

ისტორიულ საბუთებს თავისთავად, წყაროთმცოდნეობით-ისტორიოგრაფიულ მნიშვნელობასთან ერთად, საღვთისმეტყველო, ლიტერატურათმცოდნეობითი და სახისმეტყველებითი ღირებულებაც აქვთ. შინაარსობრივი თვალსაზრისით, სამეცნიერო ლიტერატურაში წარმოდგენილი ქართული ისტორიული საბუთების კლასიფიკაციის თანახმად, მათში დასტურდება ისეთი ეპიზოდები, რომელთა ახსნა შესაძლებელია თეოლოგიური ან ლიტერატურული ფენომენის გათვალისწინებით. ისინი, არცთუ იშვიათად, სარგებლობენ ბიბლიური წიგნებით, ძველი და ახალი აღთქმის წიგნებით, შესაბამისად, ბიბლიურ მოტივებს, ალუზიებს, ხატ-სახეებს ასახავენ, საღვთისმეტყველო საზრისს გამოხატავენ.

ისტორიული საბუთებში გამოიკვეთა ის თემატიკა და მოტივები, რომელსაც ამა თუ იმ საბუთის შედგენისას მის შესაფერისად მიიჩნევდნენ. ბიბლიური და საღვთისმეტყველო საზრისის შემცველი ისტორიული საბუთების ტექსტები რამდენიმე ტიპისაა: 1. მათში აღნიშნულია, თუ ვის, ღმერთს ან რომელ წმინდანს მიმართავს ტექსტის შემდგენი თხოვნითა და სულის ხსნის ვედრებით; 2. საღვთო სახელთა სიმბოლიკის საკითხები; სამყაროს ქრისტიანული აღქმა და მისი ამსახველი ეპიზოდები; 3. ბიბლიურ-ევანგელური ეპიზოდების ასახვა და ალუზია; ბიბლიურ პერსონალიათა ხსენება; 4. სოფლისა და ზესთასოფლის მკვიდრთა სულიერი მომავალი; 5. შენდობისა და შეწყალების მოტივი; 6. ესქატოლოგიური თემა და განკითხვის დღის მოლოდინი; 7. კრულობისა და წყევლის თემა; ისტორიულ საბუთებში შემონახულ პოლიტიკურ-სოციალური თვალსაზრისისა და ინფორმაციის შემცველ ცნობებში ზემოთ ჩამოთვლილი ყველა სახისმეტყველებითი ასპექტი წარმოჩნდება.

1. ყოველ ისტორიულ საბუთში გვხვდება ღმერთისადმი, ყოვლანმინდა ღვთისმშობლისა და მფარველი წმინდანებისადმი მიმართვა ან მათი ხსენება, რაც ერთგვარ ფორმულად არის ჩამოყალიბებული და სიგელის, დანერილისა თუ სხვა ტიპის საისტორიო დოკუმენტისათვის სავალდებულო, შესავალი ნაწილია, რომელსაც სიგელის თავი ჰქვია; ი. ჯავახიშვილის სიტყვით, საბუთების შემადგენელი ნაკვეთები სხვადასხვა დროს სხვადასხვაგვარი იყო. მაგრამ იყო წესი, რომელიც არ იცვლებოდა; ყოველი სიგელი იწყებოდა ქანწილით, მას მოსდევდა ვედრება, ქებულება, დიდებისმეტყველება. ეს იყო აუცილებელი შემადგენელი ნაწილი სიგელის თავისა (ჯავახიშვილი 1996). დავიმონებ მიქაელ ქართლის კათალიკოსის დანერილის დასაწყისს ვაჩე გუარამიასადმი; საბუთი იწყება ქანწილით, რასაც მოსდევს ღმერთის, მისი ჰიპოსტასების, ყოვლადწმიდა ღვთისმშობლის, იოვანე ნინამორბედის, სვეტი ცხოველის, საუფლო კვართისადმი მიმართვა:

ქ. სახელითა ღმრთისათა, მამისა, ძისა და სულისა წმიდისათა უფროსად კურთხეულისა ღმრთისმშობელისა და მარადის ქალწულისა მარიამისითა, ძლიერებითა პატრიონისა ცხოველსმყოფელისა ძელისა ცხორებისათა. წმიდისა წინასწარმეტყველისა, წინამორბედისა და ნათლისმცემელისა იოვანესითა, თანამოქმედებითა წმიდისა კათოლიკე ეკლესიასა შინა ღმრთივ-აღმართებულისა სუეტისა ცხოველისა, კუართისა საუფლოსა და მიპრონისა ღმერთმყოფელისათა... (ენუქიძე და სხვები 1984: 114-115).

უნდა გამოვყოთ მღვიმისადმი ჭიაბერის დანერილის დასაწყისი, რომელიც საღვთის-მეტყველო მჭევრმეტყველების ნიშნითა და ქრისტიანული სიმბოლიკითაა გამსჭვალული:

ყოვლად წმიდისა ღმრთისმშობელისა, რომლისაგან შეისხნა ჳორცნი ქრისტემან ღმერთმან ჩუენმან და კულად შემდგომად შობისა მშობელი ქალწულად დაიცვა. ძალითა ცხოველმსყოფელისა პატიოსნისა ჯუარისა, ძელისა ცხორებისათა, რომელსა ზედა განიჲყრნა უხრწნელნი მკლავნი თუისნი ქრისტემან ღმერთმან ჩუენმან, ჳსნისათუის ჩუენისა, თავსმდებობითა და შენეენითა წმიდათა ზეცისა ძალთა, ანგელოზთა და მთავარანგელოზთათა, მეოხებითა და შენეენითა წმიდისა დიდებულისა წინაისწარმეტყუელისა, ნაშობთა ყოველთა უფალრეისისა ნათლისმცემელისა იოვანესითა, თავსმდებობითა და შუამდგომელობითა წმიდისა და ყოვლად ქებულისა იოვანე მახარობელისათა, რომელი მიეყრდნა სერობასა მას მკერდსა საღმრთოსა, თავსმდებობითა და შუამდგომელობითა წმიდათა და ყოვლად ქებულთა მოციქულთათა, რომელთა განანათლნეს კიდენი სოფლისანი და აღმოჲფუხრეს საცთური კერპთმსახურებისაი, თავსმდებობითა და შუამდგომელობითა ყოველთა წმიდათა ზეცისა ქუეყანისათა, რომელნი პირველ საუკუნეთა და შემდგომად საუკუნეთისა სათნო-ყოფილი და სათნო-ყოფად არიან ღმრთისა და მაცხოვრისა ჩუენისა იესუ ქრისტესსა, მეოხებითა და თანამოქმედობითა წმიდისა და ყოვლად სანატრელისა მამისა ჩუენისა შიოსითა, რომლისა მიმართ არს სასოებაი ჩემი (ენუქიძე და ხბეგი 1984: 95-96).

საბუთის ეს ნაწილი საუკუნეთა მანძილზე შემუშავებული ფორმა //ფორმულის გამოხატულებაა, რომელშიც ზოგჯერ სახარებისეული ან, საზოგადოდ, ბიბლიური აღუზიებიც ჩაერთოდა ხოლმე. აგრეთვე, თითქმის ყველა ისტორიულ საბუთში დასტურდება პოლემიკური ნაკადიც, რასაც, საღვთისმეტყველოსთან ერთად, სიგელში შეტანილი ბრძანება // ბრძანებულებისა თუ პირობის დაცვისა და ამის გამო კრულობითი მონშობის ფუნქციაც ენიჭებოდა. დამონშებული საბუთის პირველივე წინადადება პარალელს პოულობს „მრწამსის“ ტექსტთან, მისი პერიფრაზია:

ყოვლად წმიდისა ღმრთისმშობელისა, რომლისაგან შეისხნა ჳორცნი ქრისტემან ღმერთმან ჩუენმან და კულად შემდგომად შობისა მშობელი ქალწულად დაიცვა // რომელი ჩუენთვის კაცთათვის, და ჩუენისა ცხორებისათვის გარდამოხდა ზეცით, და ჳორცნი შეისხნა სულისაგან წმიდისა და მარიამისაგან ქალწულისა, და განკაცნა (ლოცვანი 2001: 33).

აქვე, ზემოთ დამონშებულ საბუთში მოხსენიებული ბიბლიური პერსონალიებიდან განსაკუთრებულ ყურადღებას იქცევს იოანე მახარებლის ხსენება, იგი წარმოდგენილია როგორც მაცხოვრის საყვარელი მონაფე, „რომელი მიეყრდნა სერობასა მას მკერდსა საღმრთოსა“, რასაც იოანეს სახარების (იოანე 13: 23, 25) ტექსტი მონშობს (სულავა 2011: 33-38).

2. ისტორიული საბუთების ტექსტები საღვთისმეტყველო საზრისს, საღვთისმეტყველო მოძღვრებას, სამყაროს სიმბოლურ არსს ასახავენ. ყოველი ეს სიმბოლო ადამიანის სულიერი სამყაროს წარმოჩენას ემსახურება. ამ თვალსაზრისით უაღრესად საინტერესოა ათონის საალაპე წიგნში მოთავსებული ერთ-ერთი აღაპი, რომელიც ნიკოლოზ გულაბერისძის ხელითაა დანერილი და რომელიც „განწესებულია 26 სექტემბერს იოანე მნიგნობართუხუცესისათვის მამა პავლეს, მოძღვრის, დეკანოზისა და მთელი საკრებულოს მიერ უმდიდრესი და საპატიო განგებით იმ დამსახურებისათვის, რომელიც მას მიუძღვის ქართველთა მონასტრისა და ქვეყნის წინაშე: კელინთა დანვის შემდეგ იოანემ მონასტერს შეს-

ნირა ევლოგია, რომელიც ათონზე ჩაიტანეს საქართველოში საკალმასოდ გაგზავნილმა ბერებმა - „პერპერა- ლიტრაჲ 4 და 1 ოქროს ფარჩა“ (მეტრეველი, 1998: 259). სხვა ალაპები-საგან განსხვავებით, ეს ალაპი მდიდარია საღვთისმეტყველო მჭევრმეტყველებით და ნათლად ჩანს, რომ იგი საღვთისმეტყველო საკითხებში ღრმად განსწავლული, განათლებული ადამიანის მიერაა დაწერილი. აქ დამონშებული საღვთო სახელები სამყაროს შექმნასთან, კაცობრიობის სულიერ განვითარებასთან, მაცხოვრის მოვლინებასთან და ცოდვათაგან კაცობრიობის განწმენდასთან არის დაკავშირებული, რაც ღვთისმეტყველი წმიდა მამების მემკვიდრეობაში დეტალურადაა კომენტირებული:

ვინაიდან უკუშ თვთ ყოვლისა სიბრძნით განმგებელმან, სახიერმან და ყოველთათჳს კაცთმოყუარებით წყალობისმეძიებელმან, არაარსობისაგან არსად მომყვანებელმან ყოველთამან, უფალმან ჩუენმან იესუ ქრისტემან, რომელნი-უკუშ-ესე სახელის მოდგამობასა მისსა ღირს ვექმნენით, რომელნიცა აღვიბექდენით წმიდითა ბექდითა მისითა და აღნიშნულ ვიქმნენით წმიდითა სისხლითა მისითა, არათუ ოდენ ხოლო სიტყვთ და არცა წინანარმეტყუელთა და მოციქულთა მიერ გუაუნყა და განგკნესა სახე და კეთილმოქმედებისა მიმართ მარადის მოძრავობაჲ ცხოვრებისა მისთვის საუკუნოჲსა, რათა შეიღ ნათლის ვიპოვნეთ დღესა მას აღდგომისა უფლისა ჩუენისა იესუ ქრისტესა (მეტრეველი 1998: 179).

მთელი ეს მონაკვეთი საღვთისმეტყველო-ფილოსოფიური აზრითაა დატვირთული, რომელშიც მაცხოვრის ერთ-ერთი სიმბოლური სახელი „არაარსობისაგან არსად მომყვანებელი“, საზოგადოდ, ყოველი არსის, კერძოდ, ადამიანის შექმნას უკავშირდება. არსი დამოუკიდებელი არსებობის მქონეა, ის პირველადია, რაც ყოველივეს საფუძველია. ცნება განიმარტება ძველბერძენ ფილოსოფოსთა და ქრისტიან ღვთისმეტყველ წმიდა მამათა ნააზრევში. იგი საღვთისმეტყველო მწერლობაში მეტად გავრცელებული ტერმინია. წმ. იოანე დამასკელმა „დიალექტიკაში“ არსი, არსება, მყოფი, ბუნება, შემდეგნაირად განმარტა:

ან უკუე გარეშენი ფილოსოფოსნი მსგავსად პირველ თქმულისა სიტყვსა განყოფილებასა იტყვიან არსებისა და ბუნებისასა, რამეთუ არსებად უწოდენ მარტივად მდებარესა ნივთსა, ხოლო ბუნებად – არსებასა დასახულსა განყოფილებად არსებითად, რომელსა იგი მარტივად ყოფასა თანა ვითარებაჲცა რაიმე აქუნდეს ყოფისაჲ – სიტყვერებაჲ ანუ პირუტყუებაჲ, მოკუდავებაჲ და უკუდავებაჲ, ესე იგი არს, რომელ ვიტყვ შეუცვალებელსა მას დასაბამსა და მიზეზსა და ძალსა, რომელი-იგი დამბადებელისა მიერ მიენიჭა მოძრაობად თითოეულსა ბუნებასა: ვითარ-იგი ანგელოზთა მიეცა ძალი, რაითა გულისწმა-ყოფდენ და თვნიერ წმოვანისა სიტყვსა ურთიერთას აუწყებდენ გულის-მის-ყოფათა“ (რაფაეა 1976: 45, 98).

წმ. იოანე დამასკელი ეყრდნობა ძველ ფილოსოფოსთა ნააზრევს, როდესაც ახსენებს „გარეშეთა ფილოსოფოსთა“, რომელთა მოძღვრების თანახმად, არსი, მყოფი, ბუნება განმარტებულია, როგორც „მარტივ მდებარე ნივთი“ და „არსება დასახული განყოფილება“. ცნობილი ფაქტია, რომ ღვთისმეტყველება ხშირად იყენებს ფილოსოფიურ ტერმინოლოგიას, რომელიც ქრისტიანული თვალთახედვითაა გამინარსებული. წმ. იოანე დამასკელი არაერთხელ უბრუნდება არსისა და არსების განმარტებას და აღნიშნავს: „არსობა-ზოგადი სახელი არს ყოველთა არსთა-“ (1,1), „არსობა- ზოგადი სახელი არს ყოველთა მყოფთა-“ (1,1), „შობა- არს არა-არსისაგან არსად გამოსლვა-“ (48,5). იგი განასხვავებს

არსებასა და ბუნებას, რაშიც ემყარება ანტიკური ფილოსოფიის მოძღვრებას: „ფილოსოფოსნი განყოფილობასა იტყვიან არსებისა და ბუნებისასა“ (13,1). მას მოჰყავს საღვთისმეტყველო ლიტერატურაში გამოთქმული თვალსაზრისი არსების, ბუნებისა და ხატების შესახებ: „[ნმ. შამათა] ზოგადსა და მრავალსა ზედა განფენილსა სათქუმელსა არსება და ბუნება და ხატება სახელ-სდევს“ (13,4). ცალკე მსჯელობის საგანია „თვით არსება“: „თავსა შორის თვისსა იყოს და არა სხუასა შინა მიელოს ყოფაჲ, იგი თვთ-არსება არს“ (1,6).

ყოველი არსებული საგანი თუ მოვლენა საღვთისმეტყველო ლიტერატურაში განიხილება არსების იგივეობისა და სხვაობის თვალსაზრისით. ყოველი მყოფი არსებაა, ყოველი მყოფის დასაბამი ერთია და, ამდენად, ყოველივე იგივეობის ნიშნით ხასიათდება. ამავე დროს, მყოფი მრავალია, რომლებიც ერთმანეთისაგან, წმიდა იოანე დამასკელისეული ტერმინით, „სხვაობით“, განირჩევიან. ერთისა და სიმრავლის ამგვარი გაგებით, არსების კატეგორიას ერწყმის იგივეობისა და განსხვავებულობის პრინციპი. არსში იგულისხმება ზეციური და ამქვეყნიური არსებები, იგი ყოვლისმომცველი ცნებაა, ზოგადი გაგებით, არსება არის საერთოდ ყოფიერება, ხოლო კონკრეტული გაგებით, არსება არის ყოველი დამოუკიდებელი არსებობა. ეს ტერმინები პოლისემიურია: 1. ყოფიერება, არსებობა; 2. ყოფნა; 3. სუბსტრატი. არსი არის ის უზოგადესი ცნება, რომელიც ფილოსოფიის შესწავლის საგანია და შეთვისებული აქვს ღვთისმეტყველებას. იგი არის არა კონკრეტული გამოვლინება, არამედ ყოველივე არსებულის ზოგადი პრინციპი.

ქართულ საისტორიო წყაროებში, ისტორიულ საბუთებში არსის ცნება საღვთისმეტყველო ტრაქტატების შინაარსობრივ კვალობაზეა გააზრებული. არსი ყველგან არსებულს, მყოფს, არსებადადებულს ნიშნავს, რომლის დასაბამი, სანყისი ღმერთისგან მოდის და რომლის მიზეზი შემოქმედი ღმერთია, ანუ „არა-არსთაგან არსად მომყვანებელია“. ათონის საალაპე წიგნში 155-ე ალაპის „არაარსისაგან არსად მომყვანებელი“ სწორედ ამგვარი, საღვთისმეტყველო აზრითაა გამიზნარებული.

ალაპის ამავე მონაკვეთში მაცხოვრის სიმბოლოდ გამოყენებული „შვილ ნათლის“ განიმარტება საღვთისმეტყველო ლიტერატურაში დამკვიდრებული ბიბლიურ-ევანგელური მოძღვრების კვალობაზე. ნათელი საღვთო სახელია, რასაც იოანეს სახარება ადასტურებს: „მე ვარ ნათელი სოფლისაჲ. რომელი შემომიდგეს მე, არა ვიდოდის ბნელსა, არამედ აქუნდეს ნათელი ცხორებისაჲ“ (იოანე, 8, 12); „იყო ნათელი ჭეშმარიტი, რომელი განანათლებს ყოველსა კაცსა, მომავალსა სოფლად“ (იოანე, 1, 9); „მე ნათელი სოფლად მოვივლინე, რათა ყოველსა რომელსა პრინმენეს ჩემი, ბნელსა შინა არა დაადგრეს“ (იოანე, 12, 46). ალაპის ზემოთ დამონშებული ტექსტი შთაგონებულია ნათლის სიმბოლიკით, ნათლის ქრისტიანული გააზრებითა და ასპექტით.

პოეტურობითაა გამსჭვალული ალაპის ის ნაწილი, სადაც საუბარია რაღაც „მანქანებით“ კელინთა გადანვისა და შემდეგ ღვთის შეწევნით მისი აღდგენის შესახებ, რაშიც დიდი წვლილი შეიტანა იოანე მნიგნობართუხუცესმა. ალაპში მისი ქველმოქმედება ევანგელურ-აპოსტოლური მოძღვრებითაა მოტივირებული.

3. საღვთისმეტყველო საზრისს გამოხატავს ეპიგრაფიკული ძეგლების ნაწილიც. კერძოდ, საღვთისმეტყველო თვალთახედვის თვალსაზრისით მნიშვნელოვანია თმოგვი წმ. მარინეს ეკლესიაში შემონახული 1304 წლის წარწერა, რომელშიც წარწერის შემსრულებელმა სამინამმა საკუთარი თავი მოიხსენია, როგორც „მიუცთომლად შეცოდებული დაბადებული“, ე.ი. ცოდვილი; ქრისტეს ხატ-სახე წარმოაჩინა, როგორც „ღმერთისაგან დაბადებულთაგან მიუცთომელი“; იგი ღმერთს მიმართავს, ვითარცა „ძალასა შემოქმედსა“; აქ ერთმანეთს უპირისპირდებიან მაცხოვარი და წარწერის შემსრულებელი, რაც საღვთისმეტყველო საზ-

რისით დატვირთული ანტინომიური გამოთქმებითაა გამოსატყულებელი: მაცხოვარი – „ღმრთისაგან დაბადებულთაგან მიუცთომელი“, ხოლო სამინამი – „მიუცთომლად შეცოდებული დაბადებული“, რაც საღვთისმეტყველო ლიტერატურაში დამკვიდრებული თავმდაბლობის მოტივის გამოსატყულებელია. ნარნერის შემსრულებელსევე აუშენებია ეს ეკლესია ღვთისაგან ხელდადებული წმ. მარინას მადლით წმინდანის სახელზე. ღმერთს შესთხოვს, რომ ღვთის მონას სამინამს მეოხი ეყოს ორსავე ცხოვრებასა შინა: „სახელითა ღმრთისაჲთა, ... ღმრთისაგან დაბადებულთაგან მიუცთომელო, შენსა მიუცთომლობასა და ძალასა შემოქმედსა, [ქრისტე] მიუცთომლად შეცოდებული დაბადებული შენი სამინამ რომლისათვის არა ვინ არს ხელისამპყრობელი თუნიერ შენ ღვთაებისგან კიდე, წმიდაო მარინა, მადლისა მის საღმრთოისა რომლისათვისა სისხლნი დასთხიენ. სახელსა შენსა ზედა აღმშენებია ესე მცირე ეკლესიაჲ მონასა შენსა სამინამს მეოხ მეყავ ორსავე შინა ცხოვრებასა. აღეშენა ესე ეკლესიაჲ ქორონიკონსა ფეგ ჯელმწიფობასა [ყაზანისა და მეფობასა დავითისსა, ამენ]“ (სილოგავა და სხვები 2012: 61-62). საბუთების შემდგენლები, მათი შედგენის ინიციატორები, ნარნერების შემსრულებლები ღვთისმეტყველებაში ღრმად განსწავლულ და სახისმეტყველებითად მოაზროვნე პიროვნებად წარმოგვიდგებიან.

4. საბუთების ტექსტების ნაწილი ეხმიანება ძველი აღთქმის ტექსტს, რომლებშიც მოიხსენიებიან ბიბლიური პერსონალები, მათი ხსენება სახისმეტყველებითი ფუნქციითაა დატვირთული. მაგ., ბურნაშეთის ნარნერა ასახავს დანიელის ხსნის, გადარჩენის ეპიზოდს ლომის პირისაგან დანიელის წინასწარმეტყველებიდან (დან. თ.6), რასაც ნარნერაში ნახსენებ მაშენებელთა სულთა ხსნის გამო ღვთისადმი ვედრების მისია აკისრია: „უფალო, ვითარცა იქსენ დანიელ პირისაგან ლომთაჲსა, ეგრე იქსნენ ამის წმიდისა ეკლესიისა მაშენებელნი ჯელთაგან ჯოჯოხეთისაგან“ (სილოგავა და სხვები 2012: 38).

ტექსტების ნაწილი ახალი აღთქმის სიმბოლურ მინიშნებებს, ალუზიებს მოიცავს. ბიეთოხ-წარნერაში წმინდა ზიარების თემაა ასახული ბიეთის ნარნერაში: „მიიღეთ და ჭამეთ ესე არს ხორცი ჩემი თქონეთოის...“; ნარნერა ეფუძნება მაცხოვრის სისხლისა და ხორცის ზიარების სახარებისეულ მისტიკიას; მათეს სახარება გვამცნობს: „მოილო იესუ პური და ჰმადლობდა და განტეხა და მისცა მონაფეთა თჳსთა და ჰრქუა მათ; მიიღეთ და ჭამეთ: ესე არს ჯორცი ჩემი. და მოილო სასუმელი და ჰმადლობდა და მისცა მათ და თქუა: სუთ ამისგანი ყოველთა: ესე არს სისხლი ჩემი ახლისა აღთქუმისაჲ, მრავალთათჳს დათხეული მისატყვებელად ცოდვათა“ (მათე, 26, 26-28; მდრ.: ლუკა, 22, 15-20).

5. საბუთებსა და ნარნერებში ორსავე სოფელსა შინა სულიერი არსებობის მოტივის განსაკუთრებული ყურადღება ექცევა. როგორც საბუთის დამკვეთი, მასში მოხსენიებული პირი //პირები, ასევე ის პირი, რომლის შესახებაც არის საუბარი ან რომლისთვისაც არის შედგენილი საბუთი, მოელის ცხოვრებას ორსავე სოფელსა შინა: „† იესუ ქრისტე, დიდებულ-ჰყავ ორთავე შინა ცხოვრებათა მეორედ აღმშენებელი პატრონი ელისბალ, დედა მათი ქრისტინა, მეცხედრე მათი მარის, ძენი მათნი და ასულნი მათნი, ამინ“ ; „ქრისტე ღმერთო, ადიდე ორთავე ცხოვრებათა მანდატურთუხუცესი შალვა, ძითა და ძმითა...“ (სილოგავა და სხვები 2012: 41). „აღეშენა ეკლესია ესე მათ ჟამთა შინა, ოდეს ლაშა მეფედ დაჯდა; ადიდენ ღმერთმან ორთავე ცხოვრებათა შინა...“ (სილოგავა და სხვები 2012: 36). კარნეთის ნარნერაში ქართლის კათალიკოსის იოვანე ოქროპირის დიდებას ორსავე ცხოვრებასა შინა ევედრება მაცხოვარს ნარნერის შემსრულებელი: „ქრისტე, ადიდე იოვანე-ოქროპირი, ქართლისა კათალიკოზი, ორთავე ცხოვრებათა, იყავნ ამენ“ (სილოგავა და სხვები 2012: 66).

6. საბუთებში ჩვეულებრივია სულის შეწყალებისა და შენდობის მოტივის შემცველი შინაარსი. ამ თვალსაზრისით საყურადღებოა დავით აღმაშენებლის ანდერძი შიომ-

ლეიმის მონასტრისადმი, რომლის დასაწყისში მეფის განწყობილება, სულეერი სამყარო, ზნეობრიობა უმაღლეს და ყოვლისმომცველ უნივერსალიებს სწვდება, როდესაც მეფე საკუთარ თავს უმაღლეს უწოდებს, ხოლო ამის მიუხედავად ღმერთმა იგი არ მოიძაგა, პირიქით, წყალობა უბოძა და სიკეთე მიამაღლა:

ვინათგან მსთუა მან წყალობად და სულგრძელმან მხედველობათა შინა ცოდვათასა და წყალობითა სიყუარულისა თვისისა მიმართ მიმზიდველმან ღმერთმან ჩემ უღირსსა ზედა აჩუშნა მიუწოდომლნი ქველისმოქმედებანი, რომელთათჳს ყოვლად უმაღლო ესე, ჯერისაებრ ვერ მმადლობელიცა არა მოიძაგა და არა დააცადა ჩუჭულებითი წყალობაი დღესდღემდე უგბილსა სულსა ზედა, რომელთაჳ კერძოი რაჳმე და ურიცხვთაგან ერთი მიზეზად თხრობასავე მივსცე თხრობასა (ენუქიძე და სხვები 1984: 53-54).

ისტორიულ საბუთებში, ეპიგრაფიკულ ნიმუშებში ესქატოლოგიური ხედვაც ხშირად იკითხება. ისტორიულ დოკუმენტებში საბუთის გამცემი ღმერთს, სამივე პიროვნებასა და ყოვლადწმიდა ღვთისმშობელს, დედა ღვთისას, სთხოვს მეოხებას, რათა „დღესა სამინელსა“ პირნათელი წარდგეს ღვთის წინაშე. საზოგადოდ უნდა აღინიშნოს, რომ საბუთებში არეკლილია ესქატოლოგიური მოტივი. განკითხვის დღისა და ღვთისაგან შეწყალების მოლოდინი გამოსჭვივის ისტორიული საბუთების ტექსტების უმრავლესობიდან, რაც შემდგენელთა, საბუთში მოხსენიებულთა, ინიციატორთა ქრისტიანულ მრწამსს გამოხატავს. დიდი გასაჭირისაგან მხსნელად მიიჩნევენ და ღმერთს შესთხოვენ, რომ განკითხვის დღეს, ღვთის წინაშე წარდგომისას წინ დაუხვედროს მისი ღვანლი, ხოლო საბუთის შედგენის ძირითადი დებულების მონიშნაღმდეგეს ან შემცველს მარადიული სასჯელი მოეღოს „დღესა მას განკითხვისასა“. ათონის მონასტრის საღაპე ნიგში მოთავსებული ერთ-ერთი აღაპი მოთავრდება განკითხვის დღის მოლოდინით: „და ვინ ესე ჩუენ მიერ განწესებული შეცვალოს, მამამან ანუ თუ ძმათაგანმან ვინმე, დეკანოზმან, გინათუ კონომოსმან, დიდმან ანუ თუ მცირემან, შე-მცა-ცვალებულ არს წესისაგან ქრისტესმიერისა, და ღმერთმან სასჯელი მიჰჳადენ დღესა მას განკითხვისასა, ამენ“ (მეტრეველი 1998: 181-182).

განკითხვის დღის მოლოდინითაა აღსავსე ზემოხსენებული დავით აღმაშენებლის ანდერძი შიომღვიმის მონასტრისადმი: „ხოლო შენ, წმიდაო, ღმერთშემოსილო მამაო შიო, ოდეს დაჯდეს ქრისტე ღმერთი განსჯად ყოველთა ტომთა და საქმეთა, წარმოუდგე და განესაჯე და ვითარცა შემანუხებელსა შენსა ზედა, ეგრეთ შური იძიე პირითა ღმრთისაითა“ (ენუქიძე და სხვები 1984: 59). აქვე უნდა აღინიშნოს სიგელში გამოთქმული მოსაზრების სიახლოვე დავით აღმაშენებლის საგალობელთან, რომელშიც ესქატოლოგიური მოტივი, სამყაროს აღსასრულის მოლოდინი, მაცხოვრის მიერ კაცობრიობის განსჯის მოლოდინი მეორედ მოსვლის ჟამს წარმმართველ მოტივად მიიჩნევა.

7. საბუთებში ხშირია წყევლისა და კრულობითი ტექსტები, რომელთა საჭიროება იმით აიხსნება, რომ საღვთისმეტყველო კანონი და საბუთის დამკვეთის, შემსრულებლის ან მასთან დაკავშირებულ პირთა სურვილი არ დაირღვეს. ამ თემის ტრადიციას ასახავენ ძველი საისტორიო საბუთები და ხელნაწერები, რასაც ქართული მასალის საფუძველზე კვალიფიკაცია მისცა ივანე ჯავახიშვილმა მონოგრაფიაში „ქართული სიგელთმცოდნეობა ანუ დიპლომატიკა“. მასში გამოყოფილ სიგლის ნაწილს, კრულობით მონობას, მნიშვნელოვანი ადგილი უჭირავს. კრულობა წყევლა-კრულვას გულისხმობდა და იმის წინააღმდეგ იყო მიმართული, ვინც სიგელით გათვალისწინებულ პირობას დაარღვევდა. სწორედ ამგვარი წყევლა და კრულობა გვხვდება საისტორიო წყაროებში, კერძოდ, ისტორიულ სა-

ბუთებში, ეპიგრაფიკულ ნარჩენებში, რაც იმას მოწმობს, რომ ერთნაირი ფორმები იყო შემუშავებული ხელნაწერი ნიგნების გადაწერათა, ისტორიული საბუთებისა და ეპიგრაფიკული ნარჩენების შემსრულებელთა მიერ.

წყევლისა და შერვენების შემცველი სიტყვები საბუთის შემსრულებლის ან მისი დამკვეთის სურვილის შეცვლის მსურველთა წინააღმდეგ არის მიმართული; საბუთებში მოხსენიებულ პირთაგან თუ უარყოფით ძალთაგან საინტერესოა კაენის, იუდას, სამაელის, დათანის, აბირონისა და სხვათა სახელების ხსენება, რომელთა საქციელი დაგმობილია; ის, ვინც საბუთის შინაარსის შეცვლას შეეცდება, ზემოხსენებულ პერსონალებთანაა გატოლებული და მიმსგავსებული. სიგელებიდან დავიმონმებ თამარ მეფის სიგელს გელათისადმი:

და არავინ გუიბრძანებია მშლელი და მატყვევლი ბრძანებულისა ამის ჩუენისაჲ, არცა მეუნებლე, მავნებელი და დამაკლებელი მისი. და თუ ვინმე იკადროს ამისა ჩემისა გაგებულისა შეცვალეზად, გინა თუ ველმწიფემან, ანუ რამანცა გუარმან კაცმან, რაისაცა მიზეზისა შემოლებითა, გა-მცა-ურისხდების მამაი, ძე და სული წმიდაჲ, შე-მცა-ედების ძრნოლაჲ კაენისაი, შიშთილი იუდაისი, დანთქმაჲ დათან და აბირონისი. და კრულმცა არს სიტყუითა ღმრთისაითა მკუდარი და ცოცხალი გაუქსნელად და ნუმცა რაი წარემართების მისთუისა საუმჯობესოდ ქნილი (ენუქიძე და სხვები 1984: 79).

ერთ ნიმუშს ეპიგრაფიკიდანაც დავიმონმებ: სათხის ნარჩენაში მითითებულია, რომ გიორგი შაზელისძისა და მისი ძეების სახელზე დანესდეს ალაპი და ვინც შემდგომში იქნება მწირველი, წირვა არავინ დააკლოს. ვინც არ აღასრულოს, მასზე კანონმა იმოქმედოს: „რ გიორგი შაზელისძესა და ძეთა მისთა შეუნდვენ ღმერთმან. დაიდვეს ორი დღე ალაპი, რომე არცა ზედაშე და სეფისკუერი გამოვიდეს, ბარბარობაჲ და მეორედ მოსლვაჲ, ამა საყდარსა შიგან მყოფმა ვერავინ დააკლოს წირვაი, ჩუენმა მოძავალმან; და ვინცა დააკლოს, კანონსა-მცა ქუემე არს; ამენ“ (სილოგავა და სხვები 2012: 103).

ზემოთ აღვნიშნეთ, რომ საბუთებში პოლემიკური ნაკადიც შეინიშნება, რომელშიც განსაკუთრებით აქტუალური ორიგენიზმისა და ნესტორიანობის წინააღმდეგ გამოთქმული შეხედულებებია. ისეე თამარ მეფის სიგელიდან დავიმონმებ ერთ მონაკვეთს, რომელშიც სწორედ ხსენებულ პირთა მოძღვრებებისადმი კრიტიკულ-პოლემიკური დამოკიდებულება ჩანს: „ამის მომშლელმან გარნა გონებადცა მიულენ ჩემგან, განგებისა შერისხვითა მოეჭადენ ბრალნი ნესტორ და ორიგენესი“ (ენუქიძე და სხვები, 1984: 80). სიგელში მინიშნებულია ისიც, რომ სიტყვის დამშლელს მოელის განკითხვის ჟამს ღვთისაგან სასჯელი: „ვინცა და რამანცა გუარმან კაცმან ბრძანება და სიგელი ესე ჩუენი მტკიცე შეცვალოს. შენ, ყოვლად წმიდაო ღმრთისმშობელო, ძისა შენისა და სულისა წმიდისა მგმობართა თანა დასაჯე იგი და ჩემთა ცოდვათა და ბრალთა მზღვევია იგი დღესა განკითხვისასა. და სიტყუაი იგი მას ზედამცა აღესრულების: „სისხლი მაგისი ჩუენ-ზედა და შვილთა ჩუენთა ზედა“ – მათე, 27, 25 (ენუქიძე და სხვები 1984: 80). აქ ყურადღებას იქცევს მათეს სახარებიდან დამონმებული მუხლი, რომელიც სასჯელის სანაცვლოდ ღვთისაგან მიზღვას მკაცრად მიუთითებს.

ჭიაბერის დანერილი მღვიმისადმი კრულობის ნაწილში ასახელებს მწვალებლებს, რომელთა მცდარი მოსაზრება და ქრისტიანთადმი დამოკიდებულებაა მითითებული, მაგ., ნესტორი და არიოზი; ნახსენებია ის წმინდანები, რომლებიც მწვალებლებმა აწამეს, მაგ., იოანე ნათლისმცემელი, პეტრე და პავლე მოციქულები; ფაქტობრივად, ანტინომიურ

მეთოდზე დაყრდნობით გადმოიცემა საღვთისმეტყველო საზრისი და წმინდანთა მისაბაძი ხატ-სახეები: „და რამანცა გუარმან კაცმან ჴელ-ყოს ამისად შლად და გატეხად, კრულმცა არს დაუსაბამოსა ღმრთისა პირითა, ნესტორმცა არს ყოვლად წმიდისა ღმრთისმშობელისათვის, არიოზ ძისა მისისათვის, ჰეროდე ნათლისმცემელისათვის, ნერონ წმიდათა პეტრე და პავლესათვის. და უთქუამსცა დასასრულად სიტყვისად, ვითარმედ: „არა არს სხუაი ღმერთი თუინიერ სამეღლისაო“ და „ყოველთამცა ბრალთა და ცოდვათა ჩემთა პატიჟსა მიმწველი არის“ (ენუქიძე და სხვები 1984: 97).

ასეთივე მდიდარია ურთიერთსაპირისპირო პერსონალითა დასახელებით თამარ მეფის სიგელი შიომღვიმის მონასტრისადმი, სადაც სიგელში დამონებული პირობის აუსრულებლობის შემთხვევაში საბუთის დამკვეთი თავს უცოდველად იხსენიებს, ხოლო ის, ვინც არ აასრულებს ანდერძს, სამუდამოდ სულიერად წარწყმდება, სიკვდილის წინ მოელის უზიარებლობა. დავიმონებ ამ ტექსტსაც, როგორც უაღრესად საინტერესოს კრულობითი თვალსაზრისით:

ან ესე, ვითა ქნილა და გაგებულა, მტკიცე ყოს ღმერთმან და თუთი წმიდამან შიო. და ვინცა და რამანცა გუარმან კაცმან... შეცვალოს და წარმდებებით აღარ ჰკაზმოს და არ იურვოს, რაისაცა მიზეზისა მოღებითა, ნესტორმცა არს ყოვლად წმიდისა ღმრთისმშობელისათვის, არიოზ – ძისა მისისათვის, ჰეროდე – ნათლისმცემელისათვის, დომენტიანე – იოვანე მახარებელისათვის, ნერონ – წმიდათა მოციქულთათვის, დეოკლიტიანე და მაქსიმიანე – წმიდათა მონაშეთათვის; და სადაცა უსისხლო მსხუერპლი შეინირვის და ანუ შენირულა და ბარძიშა შინა წყალი ერთვის და რთულა, მისმცა ყულელისა მადლითა კრულია ცათა შინა და ქუეყანასა ზედა. და მემცა უბრალო ვიქმნები ყოველთა ცოდვათა ჩემთაგან. და ამას წმიდასა უდაბნოსა შინა მყოფთა რასაცა ჟამსა ჰმართებდეს და საურავი უნდეს, დააკლონ და არ იურვონ, უზიარებლმცა იქმნებიან დღესა ჴორცთაგან განსლვისა მათისსა და გამო-მცა-ეჭუებიან კრებულისაგან წმიდათა მამათაისა“ (ენუქიძე და სხვები 1984: 103).

ამრიგად, ქართული ისტორიული საბუთები მრავალმხრივი ღირებულების ცნობებს გვანვდიან. ისინი, ისტორიულ-წყარომცოდნეობითი ღირებულების გარდა, საღვთისმეტყველო და ლიტერატურულ-ესთეტიკური თვალსაზრისითაც იქცევენ ყურადღებას. მათ ლიტერატურათმცოდნეობითი და სახისმეტყველებითი მნიშვნელობაც აქვთ. კერძოდ, ისინი, არცთუ იშვიათად, სარგებლობენ ბიბლიური ნიგნებით და, შესაბამისად, ბიბლიურ მოტივებს, ალუზიებს, ხატ-სახეებს ასახავენ, საღვთისმეტყველო საზრისს გამოხატავენ, საბუთების დამკვეთების, შემსრულებლების აზროვნების დონესა და მსოფლმხედველობას წარმოაჩენენ, მათში გამოიკვეთა ის თემატიკა და მოტივები, რომლებსაც ამა თუ იმ ისტორიული საბუთის შესრულებისას ეყრდნობოდნენ. აქვე აღვნიშნავ, რომ ცალკე კვლევის საკითხად უნდა მივიჩნიოთ ენობრივი პრობლემა, რადგან ისინი ენის განვითარების ისტორიასაც ასახავენ და აჩვენებენ, რომ თითოეული მათგანი კონკრეტული ისტორიული საბუთის შექმნის ეპოქაში არსებული სალიტერატურო-მნიშვნობრული ენობრივი ნორმების შესაბამისად იქმნებოდა.

- რაფავა 1977: მ. რაფავა. *იოანე დამასკელი, გარდამოცემა, გამოსაცემად მოამზადა, გამოკვლევა და ლექსიკონი დაურთო მანია რაფავამ, თბილისი.*
- ენუქიძე და სხვები 1984: *ქართული ისტორიული საბუთების კორპუსი, ტ. I, IX-XIII სს. საბუთები, შეადგინეს და გამოსაცემად მოამზადეს თ. ენუქიძემ, ვ. სილოგავამ, ნ. შოშიაშვილმა, თბილისი.*
- ლოცვანი 2001: *ლოცვანი. იბეჭდება რუის-ურბნისის მთავარეპისკოპოსის იობის ლოცვა-კურთხევით, თბილისი.*
- შეტრეველი 1996: ე. შეტრეველი. *ათონის მონასტრის სააღაპე წიგნი, თბილისი.*
- სილოგავა და სხვები 2012: *ჯავახეთის ეპიგრაფიკული კორპუსი, გამოსაცემად მოამზადეს ვალერი სილოგავამ, ლია ახალაძემ, მერაბ ბერიძემ, ნესტან სულავამ და როინ ყავრელიშვილმა, თბილისი.*
- სულავა 2011: ნ. სულავა. *სახარებისეული აღუზია ქართულ ისტორიულ საბუთებში, ივანე ჯავახიშვილის სახელობის თბილისის სახელმწიფო უნივერსიტეტი, საქართველოს ისტორიის ინსტიტუტის შრომები, ნ. 4.*
- ჯავახიშვილი 1996: ი. ჯავახიშვილი. *ქართული სიგელთმცოდნეობა ანუ დიპლომატიკა, ტ. IX, თბილისი.*

## Imagery Thinking of Georgian Historical Documents

*Nestan Sulava*

*Ivane Javakhishvili Tbilisi State University  
Tbilisi, Georgia*

Georgian historical documents, namely, lapidary inscriptions together with the historical value have literary, theological and imagery meaning as well. By the meaning of the plot in inscription given in scientific literature there are such episodes which can be explained by considering theological and literary phenomena. There are the examples of using Biblical books, by Old and New Testament, and accordingly using biblical plots, fresco, allusion, they are having the meaning of theology.

In inscriptions there are plots which were considered in the process of making any documents. There are several types of inscription having the biblical and theological meaning, such as: 1. Inscriptions show the names of who they ask a help to save their souls, the God or any other saints. 2. The symbols of the God's names, theological explanation of the world and the episodes about the world creation. 3. Biblical episodes and allusion. To be mentioned biblical characters. 4. Spiritual future of inhabitant of the world and heaven. 5. Motif of forgiveness and charity 6. eschatological - topic and the expectation of the day of doom; 7. the topic of curse and damnation; In inscription consist information about political-social meaning have all aspects of theology and imagery plots, according this they have great literary value.